



ԳԵՐԱՇԵՆՈՐՀ Տ. ԶԱՎԵՆ ԵՊԻՍԿՈՊՈՍ ՉԻՆՉԻՆՅԱՆ



Գերաշնորհ Տ. Զավեն եպիսկոպոս Չինչինյանը ծնվել է 1929 թվականի հոկտեմբերի 29-ին, Հալեպում, կիլիկեցի ծնողներից (Մարաշ): Ավագանի անունն է Գևորգ: Սովորել է Հալեպի Կիլիկյան վարժարանում: Այնուհետև ընտանյոք Պաղեստին հաստատվելով, սովորում է Երուսաղեմի հայոց Սրբոց Թարգմանչաց վարժարանում և դասընթացը ավարտե-

լով 1945 թվականին, ընդունվել ժառանգավորաց վարժարանը:

1949 թվականին փայլուն հաջողությամբ ավարտելով իր ուսումը, սարկավազ է ձեռնադրվել:

1951 թվականին կուսակրոն քահանա է ձեռնադրվել Տ. Խորեն եպիսկոպոս Բարոյանից Երուսաղեմում:

Այնուհետև երիտասարդ և խոստումնալից հոգևորականի առաջ բացվում է վանական-վարչական, մանկավարժական, հովվական բեղուն գործունեության ասպարեզ, որպես ուսուցիչ Սրբոց Թարգմանչաց և ժառանգավորաց վարժարաններում, որպես տեսուչ տպարանի, անդամ «Միոն» ամսագրի խմբագրական մարմնի, քարտուղար Ս. Տեղյաց և դիվանապետ:

1958 թվականից ի վեր ձեռնհասորեն վարում է Ալեքսանդրիայի հայոց առաջնորդական փոխանորդի պաշտոնը:

1965 թվականի նոյեմբերի 7-ին եպիսկոպոս է ձեռնադրվում Ս. էջմիածնում, Ամենայն Հայոց Վեհափառ Հայրապետից:

Գերաշնորհ Տ. Զավեն սրբազանը հավատավոր, պատրաստված և նվիրյալ հոգևորական է:

Սրբազանը երիտասարդ է, գտնվում է իր ստեղծագործական ուժերի ծաղկման և հասունության շրջանում:

Տ. Զավեն սրբազանը իր նորանոր արդյունքներով և բարի ծառայություններով կարողարացնի Վեհափառ Հայրապետի ակրնկալությունները, հօգուտ Մայր Աթոռ Ս. էջմիածնի և հայ հավատացյալ ժողովրդի:

